

UGOVOR
USLUGE OGLAŠAVANJA

UGOVORNE STRANE

1. NARUČITELJ USLUGA: Fond za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, Hifzi Bjelevca broj 54., 71210 Ilidža, kojeg zastupa direktor, Elvedin Lagarija
i
2. DAVATELJ USLUGA: INFO MEDIA GROUP d.o.o., Braće Pišteljić 1, 78000 Banja Luka, kojeg zastupa direktor Vedran Pušić.

Član 1.

Predmet ovog ugovora je pružanje usluge, zakupa oglasnog prostora u trajanju od godinu dana i to u periodu od jula 2024. godine do jula 2025. godine i potpuno (outdoor) brendiranje – brendiranje vanjskog dijela vozila, i to:

- trodijelni tramvaj GT-8 i
- zglobni autobus (relacija: grupa najfrekventnijih linija JGS – primarno Sutjeska-Iljaš-Sutjeska).

za potrebe Fonda Kantona Sarajevo za izgradnju stanova u 2024.-2025. godini, u svemu prema prihvaćenoj ponudi broj 1178/24 od 10.06.2024. godine.

Usluga iz stava 1., ovog člana obuhvata i:

- izradu idejnog rješenja (nakon izbora ponuđača) na koje idejno rješenje će prethodno dati saglasnost ugovorni organ/naručilatelj,
- štampanje reklamnih/oglasnih materijala i apliciranje istih na ugovorena vozila koja će biti puštena u svakodnevni saobraćaj u naznačenom periodu oglašavanja i
- skidanje reklamnih/oglasnih materijala nakon isteka zakupnog perioda.

Ovaj ugovor se zaključuje nakon provedenog postupka javne nabavke, metodom Konkurentskog zahtjeva za dostavu ponuda.

Član 2.

Predmetne usluge vršit će se kontinuirano, svakodnevno i višekratno u skladu sa redom vožnje na ponuđenim i odobrenim relacijama, u periodu od jedne godine dana, a počevši od jula 2024. godine do istog datuma jula 2025. godine ili duže u slučaju postojanja zastoja u oglašavanju, u skladu s iskazanom ukupnom cijenom iz prihvaćene ponude Pružatelja usluga.

Ukupna vrijednost usluge bez PDV-a, iznosi: 47.500,00 KM (slovima: četrdesetsedamhiljadapetstotina KM i 00/100), a sa PDV-om iznosi 55.575,00 KM (slovima: pedesetpethiljadapetstosedamdesetpet KM i 00/100).

Član 3.

Davatelj usluge se obavezuje da uslugu koja je predmet ovog ugovora izvršava prema uvjetima iz tenderske dokumentacije i prihvaćene ponude.

Mjesto izvršenja usluge: vozila JGS (javnog gradskog saobraćaja) na području Kantona Sarajevo.

Davatelj usluge se obavezuje obezbjediti vozila koja saobraćaju na relacijama za koje je Naručitelj primarno iskazao zahtjev, a za sve druge lokacije prethodno obezbjediti pisanu saglasnost naručitelja. Korespondencija između ugovornih strana će biti vršena putem e-maila.

Zakupljeni outdoor oglasni prostor je rezerviran za Naručitelja usluga bez promoviranja trećih lica, a naročito konkurentskih preduzeća, ukoliko Naručitelj drugačije ne odluči.

Davatelj usluge je dužan nakon postavljanja reklamnih/oglasnih materijala Naručitelju dostaviti dokazni materijal - fotodokumentaciju i izvještaj o izvršenom.

Davatelj usluge se obavezuje za potrebe oglašavanja Naručitelja obezbjediti ispravna, neoštećena vozila, a u slučaju kvara na vozilu izvršiti postavljanje reklamnih/oglasnih materijala na drugo, odgovarajuće, vozilo, ili zakupni period produžiti za vrijeme prekida saobraćanja predmetnog vozila. U suprotnom Naručitelj ima pravo postupiti u skladu sa stavom 6., ovog člana.

U slučaju oštećenja apliciranih reklamnih/oglasnih materijala Davatelj usluge se obavezuje otkloniti oštećenje – popravkom ili zamjenom reklamnih/oglasnih materijala.

Davatelj usluge se obavezuje za prekid u saobraćanju vozila koje se koristi kao oglasni prostor Naručitelja, odnosno prekid u oglašavanju, nadoknaditi prekid dan za dan, a u suprotnom Naručitelj ima pravo izvršiti umanjeње obaveze po ispostavljenom mjesečnom računu u visini od 0,25% od ukupne vrijednosti ponude iz člana 2., ovog Ugovora za svaki dan prekida, ali ne više od 10% od ukupne vrijednosti ponude iz člana 2., ovog Ugovora, nakon čega Naručitelj ima pravo izvršiti jednostrani raskid ovog Ugovora.

Član 4.

Naručilac usluga se obavezuje Davatelju usluga, za izvršene usluge opisane u čl. 1. i 2. ovog Ugovora, platiti iskazani iznos novca u 12 /dvanaest/ jednakih rata, po ispostavljenoj fakturi/računu žiralno-virmanski, sa rokom plaćanja od 30 dana od dana dostave računa, koji predstavlja osnov plaćanja.

Faktura/račun se ispostavlja uz obavezan dokazni materijal (fotodokumentacija, izvještaj i dokaz o rasporedu vožnje vozila koja se koriste kao oglasni prostor) o urednom izvršenju usluge u prilogu računa.

Naručilac usluge ima pravo izvršiti umanjeње obaveze po ispostavljenom mjesečnom računu u visini od 0,25% od ukupne vrijednosti ponude iz člana 2., ovog Ugovora za svaki dan prekida, ali

Član 5.

Davatelj usluge se obavezuje kao garanciju za uredno izvršenje posla, na dan zaključenja ovog Ugovora o pružanju usluge oglašavanja na vozilima javnog i gradskog saobraćaja Naručitelju dostaviti mjenicu sa mjeničnim ovlaštenjem/izjavom na iznos od 10% ugovorene vrijednosti iz člana 2., ovog Ugovora.

Povrat mjenice i mjeničnog ovlaštenja Davatelju usluge bit će izvršen na zahtjev Davatelja usluge, najranije, 10 /deset/ dana nakon isteka i ispunjenja ovog Ugovora.

Ukoliko iz realizacije ovog ugovora proisteknu odnosi i instituti koji nisu utvrđeni istim, primjenjivat će se odredbe Zakona o obligacionim odnosima.

Član 6.

Eventualne sporove, nastale iz ovog ugovora, ugovorne strane će rješavati mirnim putem, a ukoliko u tome ne uspiju, nadležan je Općinski sud u Sarajevu.

Raskid ovog Ugovora je moguće izvršiti:

- sporazumno,
- jednostrano od strane Naručitelja u slučaju neizvršenja ili neurednog izvršenja posla i
- jednostrano od strane Davatelja u slučaju ne plaćanja prispjelih obaveza Naručitelja u roku od 2 /dva/ mjeseca.

Član 7.

Ovaj ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) istovjetna primjerka, a primjenjuje se od dana njegovog potpisivanja.

Za davaoca usluga:

Direktor

Vedran Pušić

Broj: 85424

Datum: 12. 06. 2024.

Za naručioca usluga:

Direktora

Elvedin Lagarija

Broj: 01-02-11-1106-5/24

Datum: 12.06.2024. godine

